

皇清經解

皇

清

經

解

皇清經解卷三百九十六

學海堂

尙書集注音疏

吳江徵君聲著

召誥弟

周書十七 尙書十八

維二月无望粵六日乙未

望勿放反俗通作望別字

注鄭康成曰是時周公

居攝五年二月三月當爲一月二月不言正月者蓋待治定制

禮乃正言正月也聲謂望者月滿與日相望已朝君也故其字

從月從臣從壬壬朝廷也既望十六日也乙未二十一日然則

是月乙亥朔己丑望也

朝直搖反壬天鼎反

疏

鄭注見周禮大司徒疏及詩文王正義云是時周公

居攝五年者據伏生大傳言周公攝政五年營成周此下文所言既是營成周之事故知是時居攝五年也云二月三月當爲

一月二月者謂此經當爲一月既望下文當爲二月丙午朏也鄭知然者以洛誥烝是居攝七年十二月日此是居攝五年事

計五年三月至七年十二月凡三十四月其間餘分積至二萬八千九百七十六有奇以九百四十分之日法除之則三十日有餘矣則五年若六年之終必置一閏則五年三月朔至七年十一月晦以而三十四月若三月丙午朏則甲辰朔也推之五月當癸卯朔七月當壬寅朔率兩月而退一日則七年十二月應丁亥朔不得有戊辰若此二月爲一月下文丙午晦是二月則七年十二月丁巳朔戊辰乃其十二日鄭說誠是也但當爲一月之語出于鄭注經則无一月之文乃云不言正月云云者鄭自解已注當爲一月不言當爲正月之意也蓋武王初有天下以建子月爲年首而稱一月不云正月武成篇一月壬辰是也于時未皇制禮故改月而不稱正周公攝政非正爲王安敢遠言正月乎至六年而周禮成而洛誥當七年時猶詔王再殷禮明必待七年反政之明年爲成王元年乃稱正月此事實之必然者故云蓋待治定制禮乃正言正月也治定制禮樂記文也云望者月滿與日相望以朝君也故其字從月從臣從王王朝廷也者說文王部誼也云既望十六日也者望是十五日則既望是十六日易小畜中孚皆云月既望皆取象十六日退辛也云乙未二十一日皆經言粵六日粵于也于既望之六日則二十一日也準此二十一日乙未朔推之則知是月乙亥朔己丑望也

王朝步自周則至千鄠注

馬融曰周鎬京也鄠文王廟所在朝者舉事上朝將卽土中易

都大事故告文王武王廟鄭康成曰從鎬京行至于鄠就告文

王廟告文王則告武王可知步行也堂下謂之步鄠鎬異邑而

言步者告武王廟既行出廟入廟不以遠爲文恭也

疏
馬注見史記魯

世家注云周鎬京也者武王居鎬故知周是鎬京也云鄠文王廟所在者史記索隱云鄠文王所作邑後武王都鎬于鄠立文王廟是也云朝者舉事上朝者行事以上爲敬故告廟必以清朝以朝爲上也鄭注見詩王風譜正義及禮記曲禮上正義與魯世家注云告文王則告武王可知者考親于祖祖廟猶告自然告考廟可知矣步從止少止足也少者反止亦一足也止少接踵而前故爲行也說文亦云步行也云堂下謂之步者釋宮文云鄠鎬異邑而言步者告武王廟即行出廟入廟不以遠爲文恭也者鄭箋文王有聲詩云鄠邑在鄠水之西鎬京在鄠水之東是鄠鎬異邑也經言步自周則至于鄠若出廟入廟甚近便不見異邑相遠之文者以成王恭于父祖奔告速疾告武王廟即行不俟車駕故錄書者不以異邑相遠爲文以見成王之恭也魯世家注引此注爲文誤作爲父茲據曲禮正義改正之
維太保先周公相宅

先悉薦反相悉匠反

注太保召公也召公先周公往視可定居處鄭康成曰相視也

召上照反下召公疏敘言使召公先相宅此言太保先周公相並同處昌慮反宅故云太保召公也鄭注見魯世家注相

視釋詁文粵若來三月維丙午胙尾反注胙月未成光月三日也疏

云胙月未成光據李善所引說文與徐本說文異也胙從月出是初生兆霸故曰未成光云月三日也者漢書律曆志引古文

月采曰三日曰胙案書正義引周書月令曰三日粵胙粵即曰也則似漢書所引月采乃月令之謫然今逸周書月令敘目存

而篇則亡矣其敘云周公制十二月賦政之法作月令說者謂即明堂月令亦无三日粵胙之文不審穎達何自引也注不解

粵若來之誼者以具解于武成篇矣粵三日戊申太保朝至于洛卜宅戊麥注戊

申月五日也太保以五日之朝至洛相卜所居相息疏云戊申

也者承上丙午胙而言粵三日戊申則是月五日也厥既得卜則經營注得卜得吉卜也

經營度也南北為經東西為營度代疏毛詩靈臺傳經度之也

猶度也是經營皆有度誼故云經營度也云南北為經東西為營者士逸注楚詞九歎云然也然則經營雖同為度誼而有縱

橫之異故有二名粵三日庚戌太保乃以庶殷攻位于洛注庚戌月

七日也能左右之曰以庶殷眾殷民也攻猶治也位城臺宮廟朝市之位逸書作洛解曰乃作大邑成周于土中城方千七百

二十支郭方七十里南繫于洛水地因于邾山以為天下之大

澤又曰乃位五宮太廟宗宮考宮路寢明堂鄭康曰隈汭隈曲

中也

臺古鑊反或作郭別字朝直召反支直兩反疏上庚申為邾方丕反邾今洽反澤七候反俗譌作湊月五日則

此庚戌為月七日矣云能左右之日以者僖二十六年左傳文謂以之左以之右唯吾所使是為能左右之也云攻猶治也云位城郭宮廟朝市之位者攷工記云匠人營國方九里傍三門國中九經九緯經涂九軌左祖右社而朝後市是建國必立城郭宮廟朝市故知此攻位謂治此等之位也引逸書作洛解者逸周書也彼文所言即此經營洛之事故引以為說云城方千七百二十丈者古者六尺四寸為步三百步為里則一里之長百九十二丈依攷工記匠人營國方九里則當云方千七百二十八丈適符其數云方千七百二十丈者略其奇數爾云郭方七十里作洛解原文本作郭方七百里按郭謂臺也方九里之城方七百里之臺非度也且彼下文云制郊甸方六百里謂王畿之郭方七百里則出王畿之外四面各五十里必不然矣當

云七十里庶幾近之故以意改之也云南繫于洛水則在洛水之北卽此經所謂洛汭也云以爲天下之大湊若孔鼂注云湊會也爲天下之所湊會謂四方道里均也云乃位五宮太廟宗宮考宮路寢明堂者孔鼂注云五宮宮府寺也大廟后稷二宮祖考廟也路寢王所居者皆是也鼂又云明堂在國南者則本淳于登之謬說非也孝經聖治章云周公郊祀后稷以配天宗祀文王于明堂以配上帝則明堂不在南郊明矣且明堂爲天子布政之宮凡諸大典禮无不行于其中不得在國南也鄭注見正義云汭隈曲中也若孫炎注爾正云隈水曲中也汭從水從內則是隈曲中也

粵五日甲寅位成注

甲寅月十一日成謂畫有就緒若國中九經九緯左祖右社

面朝後市之位定矣

朝直搖反疏作邑大事豈能五日而成且下言庶殷丕作則此言成非謂功作畢

也故云成謂規畫有就緒成之言就也云國中九經九緯左祖右社而朝後市者周禮考工記匠人文也若翼日乙

卯周公朝至于洛則達觀于新邑營注翼日明日也周公以十

二日之朝至洛通觀新邑之營城疏

云營城者鄭注周禮小宗伯職云兆爲壇之營域是

所規畫之處爲營域也

粵三日丁巳用牲于郊牛二注爲營兆于南郊因

用牲以祀天也作洛解曰乃設圻坻于南郊以配上帝配以后

稷牛二者帝牛一稷牛一也郊用特牲貴誠也坻治小反疏乾

鑿度云三王之郊一用夏正據上言三月正夏正建寅之月安

知此用牲于郊非是正祭而云為營坻于南郊因用牲以祀天

也者若是正祭則王當以上旬行其禮于鎬京矣茲于新邑行

郊祀之禮者以天子之郊必立郊祀之坻于是始立郊坻不容

不祭故知是因始為營坻而特祀也引作洛解者以證是時特

立營坻以祀也以祀上帝配以后稷今本逸周書脫祀字又配

下闕一字茲引其文不可云以上帝配后稷因據孝經周公郊

祀后稷以配天之文以增成其誼云牛二者帝牛一稷牛一也

者公羊宣三年傳云養牲養二卜帝牲不吉則扳稷牲而卜之

帝牲在于滌三月于稷者唯具是視禮郊特牲亦云帝牛不吉

以為稷牛帝牛必在滌三月稷牛唯具所以別事天神與人鬼

也是帝稷各一牛也云郊用特牲貴誠也者郊特牲而社稷太

牢以少為貴貴誠之誼郊特牲云于郊故謂之郊牲用騂尚赤

也用犢貴誠也特牲即犢也又禮器云禮之以少為貴者以其

內心者也德產之致也精微觀天下之物無可以稱其德者如

此則得不以少為貴乎是故君子慎其獨也內心慎獨皆貴誠

之粵翼日戊午乃社于新邑牛一羊一豕一注立社以祭后土

皇清經解 卷三十九 江徵君尚書集注音疏 四

以句龍配作洛解曰乃建太社于國中其壇東青土南赤土西

白土北驪土中央壘以黃土是也牛羊豕各一為牢社用太牢

降于天也

句果疏云立社以祭后土以句龍配者考經援神契侯反云社者五土之總神禮記郊特牲云社祭土

而主陰氣是社祭后土也昭二十九年左傳云共工氏有子曰句龍為后土后土為社謂句龍生為后土之官死則配祭于社

故鄭注周禮大宗伯云共工氏之子曰句龍食于社是也引作洛解者證是時特立社于新邑也鄭注周禮宰夫云三牲牛羊

豕具為一牢故云牛羊豕各一為牢韋昭注國語楚語云大牢牛羊豕也則此牛羊豕各一是太牢也郊特牲云郊特牲而社

稷太牢貴誠之誼則太牢雖加多于特牲于禮為降故云社用太牢降于天也粵七日甲子周公乃朝

用書命庶殷侯甸男邦伯注周公量事期計徒庸慮材用書之

于冊以命役于眾殷侯甸男服之邦伯疏

昭三十二年左傳云土疆牢營成周計丈

數揣高卑度厚薄仞溝洫物土方議遠邇量事期計徒庸慮材用書饒饒以命役于諸侯此言量事期計徒庸慮材用者文出

彼厥既命殷庶庶殷丕作注眾殷承周公命大起趣功疏起又

訓為云大起趣太保乃以庶邦冢君出取幣乃復入錫周公勿復功兼此二誼也

又注以猶與也鄭康成曰召公見眾殷之民大作周公德隆功

成有反政之期而欲顯之因大教天下故與諸侯出取幣使教

成王立于位以其命賜周公所賜之幣蓋璋以皮及寶玉大弓

疏鄭注見正義云所賜之幣蓋璋以皮及寶玉大弓者春秋定

八年經云盜竊寶玉大弓公羊傳云寶者何璋判白弓繡質

龜青純是魯有此璋及寶玉大弓也定四年左傳云分魯公以

大路大旂夏后氏之璜討父之繁弱則璋與寶玉大弓非封魯

公之分器當是此時所賜于周公者以无正文故云蓋以疑之

云以皮者周禮小行人合六幣璋以皮是璋必配以皮也案公

羊傳璋即寶玉鄭以璋與寶玉大弓殊言之者何休注公羊云

半圭曰璋白藏天子青藏諸侯魯得郊天故錫以白不言璋言

不見王至之文者王于相宅无事也于時庶殷諸侯及治事之

臣咸在召欲大顯周公之功于天下故言敢拜手稽首以陳于

王若公并以誥溥告庶殷于自乃御事前呼眾殷及乃御事使

皆明聽也

見夷甸反疏旅陳釋詁文言旅王若公則是王與公相見反

達之王者故云則王在矣云王蓋以既得周公所獻之卜而來

也者據洛誥王言公既定宅抨來來視予卜休恆吉則相宅時

王雷西都未來當于使來告卜之後而來洛也王以何月至洛

雖不可考大約總在新邑初成之時知者詳召公誥詞則似作

邑功成矣當在是年秋冬之時王于是始至洛召公即陳此誥

也偽孔言王與周公俱至案洛誥言子惟乙卯朝至于洛師又

言抨來以圖及獻卜若王與周公同以乙卯日至洛何用抨來

獻卜乎偽孔說非也云經不見王至之文者王于相宅无事也茲用其誼

者正義引鄭注云災不書王往者王于相宅无事故有反政之

上文鄭注云召公見眾殷之民大作周公德隆功成有反政之

期而欲顯之因大戒天下則此言誥告庶殷越自乃御事者於

是召公欲大顯周公之功于天下故前呼眾人使明聽也

戲皇天上帝改厥元子茲大國殷之命惟王受命无疆惟休亦

无疆惟恤於戲曷其柰何弗敬注元首也鄭康成曰言首子者

凡人皆天之子天子爲之首爾聲謂言天改其首子大國殷之

命惟王其受之矣是无竟之美亦无竟之憂也其柰何不敬哉

疆竟恤憂也

疏元首釋詁文鄭注見正義疆竟者國語周語云侯不在疆鄭注周禮侯人引作侯不在竟是疆

爲竟恤憂亦釋詁文

天既瑕終大邦殷之命茲殷多先哲王在天粵厥

後王後民茲服厥命厥終斲臧鰥在夫知保哀攜持厥婦子以

哀顓天徂厥亡出執

遐俗作遐說文无遐字毛詩泉水傳訓遐爲遠則遐字古作遐斲今省作智臧才郎

反注同俗作藏非鰥俗作瘰非哀蒲保反俗作抱別字也

注瑕遠鰥病知匹也保讀爲綵綵

小兒衣也哀裏徂往也亡讀爲无今天已遠終殷命矣此殷先

王之精爽在天于其後繼世之王撫有其民服膺茲命天非不

眷殷也其終也賢斲退臧病民者在位夫夫有匹偶者綵裏其

子攜持其妻以哀號呼天欲往逋逃其无所出若拘執然言天

之終殷命職是故

緇百洁反夫上房字反下方无反號何刀反

疏

暇遠鰥病知匹並釋詁文云保讀爲

緇者保與哀聯文哀是哀負若依保之訓爲安爲養二誼皆不與哀聯屬論語云襁負其子襁與緇哀與負皆同誼故讀保爲緇緇哀猶襁負也云緇小兒衣也者說文糸部文哀哀衣部文也徂往亦釋詁文云亡讀爲无皆古无字通作亡說見鴻範疏

於戲天亦哀于四方民其眷命用懋王其疾敬德注天亦哀矜

四方之民其眷命用勉于敬德者以爲民主王其敏疾于敬德

哉相古先民有夏天迪從子保而稽天若今時既隊厥命

相息反

下同隊直類反下皆同

注昔日先民視古昔夏王天開道之使有天下又

從其子而保右之使繼世爲君面猶嚬向也禹面向稽天心而

順之今時則已隊其命矣言天命无常不可恃也

道徒倒反下注同度代洛

反下**疏**云昔日先民者國語魯語文也云又從其子而保右之使繼世爲君者孟子萬章問曰人有言至于禹而德衰

不傳于賢而傳于子孟子曰否不然天與賢則與賢天與子則與子則謂夏之繼世為天所使可也云面猶面向也者鄭注也見正義云言天命无常不可恃也者禹雖面向稽度天心而順之今時則已隊其命由後王昏亂不能常保天命是天命不可恃也今相有殷天迪格保面稽天若今時既隊厥命注格量度也

天開道殷使有天下又量度所以保右殷者亦如夏疏云格量

蒼頡篇文見文選蕪城賦注商家亦傳子孫與夏同上言從子保此言格保文雖變而意當同故云又量度所以保右殷者亦

如今冲子嗣則无遺耆老曰其稽我古人之德矧曰其有耐稽

謀自天耆老偽孔本作壽耆茲從注冲子謂成王言今冲子嗣

位則无遺棄壽老之人當曰是能稽攷我于古人之德言能匡

正君德也有又自天也况曰其又能稽攷其謀以從天道乎稽

謀自天猶面稽天若也壽老或為壽耆有夷疏有又鄭箋終風

從自也从與從雖兩字然經典輒以從為从則自亦可訓從也稽謀自天謂攷謀以从天道是即向攷天心而順之故云猶面

皇清經解卷三十九江徵君尚書集注音疏七

稽天若也云耆老或為壽考者謂偽孔本也

於戲有王雖小元子哉其丕耐誠于小

民今休王不敢後用顧畏于民晷

誠夷著反
晷牛咸反

〔注〕誠和晷險也小

民難保故曰民晷言王雖幼小乃天之首子哉其大能和于小

民則于今休美王其不敢後用顧念小民當畏于民之晷險丕

或為不〔疏〕

誠和說文言部文也書敘云高宗夢得說使百官夔

傳僖三十三年傳云必于殷之盍巖何休注云其處險阻監執

是巖為險說文石部云晷暫晷也讀與巖同則晷亦為險也云

小民難保故曰民晷者難保所以為險也康誥云小人難保小

人即小民也經言元子哉安知非謂成王為武王之元子而注

云乃天之首子哉者據上文皇天上帝改厥元子茲大國殷之

命惟王受命是謂王受天命為天之首子也云王其不敢後用

顧念小民者讀顧字屬上為句也說文石部引此畏于民晷不

聯引顧字則漢儒以顧字屬上讀偽孔讀顧字屬下非是云丕

或為不者說文言部引云不能誠于小民蓋言丕

不字通也茲不

以說文作不者此經誼當从丕也

王來紹上帝

自服于土中

〔注〕紹繼自用服治也土中謂王城于天下土為中

也周禮大司徒曰以土圭之灋測土深正日景以求地中日南則景短多暑日北則景長多寒日東則景夕多風日西則景朝多霧日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉深式集反露雲覆日疏以自爲用茲久其誼服治說文又部也衣今反俗通作陰疏文云土申謂王城以天下土爲中也者周禮大司徒求地中建王國彼馬融傳云王國東都王城今河南縣是是王城爲地中故卽引大司徒職文以證王城于天下土爲中也周禮者周公致太平之書大司徒職所云正其作洛之事是此經之實證故引之也土圭者鄭注云所以致四時日月之景是也測土深者是求南北之中正日景者求東西之中也鄭注云晝漏半而置土圭表陰陽審其南北賈公彥疏云表陰陽者東方西方是陰陽是也日南以下至地中者鄭注云景短于土圭謂之日南是地于日爲近南也景長于土圭謂之日北是地于日爲近北也東于土圭謂之日東是地于日爲近東也西于土圭謂之日西是地于日爲近西也如是則寒暑陰風偏而不和是未得其所求凡日景于地于里而差一寸景尺有五寸者南戴日下萬五